

Kæru leikskólabörn, leikskólakennarar og aðrir gestir.

Mig langar að segja ykkur frá því hvernig leikskóli hér á Klaustri byrjaði, en hann hefur ekki alltaf verið í þessu húsi.

Á fyrstu árunum var oft flutt milli húsa því ekkert sérstakt húsnæði var til fyrir hann.

Fyrsta árið var hann í íbúð skólasstjórahjónanna, þaðan fór hann í litlu íbúðina í kjallara skólans og er þar í eitt ár. Næst fór hann í Félagsheimilið þar sem Sveitabragginn er í dag og var þar í nokkur ár og aftur síðar. Tvívegis með nokkra ára millibili í íbúðarhúsi að Skerjavöllum 3, auk þess var hann eitt ár að Skaftárvöllum 1, í læknisbústaðnum, í herbergjum á Hótelinu og í húsinu þar sem Munkakaffi er í dag.

Foreldrnir þurftu flest haust að byrja á að þrifa, mála og taka upp leikföng og annað sem tilheyrið leikskólanum. Og að vori snerist sagan við en þá þurfti að pakka niður eigum hans, þrifa og mála til að skila húsnæðinu. En mikið af því var í útleigu á sumrin.

Fyrsta starfsár leikskólans, sem kallaður var dagheimili á þeim árum, var 1971. Í fyrstu var hann rekinn af skólanum og báru foreldrar mestan hluta kostnaðar við rekstur hans með styrk frá Kirkjubæjarhreppi. Var hann þá aðeins rekinn meðan Kirkjubæjarskóli starfaði þ.e. frá hausti til vors. Fimm árum síðar verður sú breyting á að öllum börnum hreppsins er heimil vist í honum.

Hingað í þetta hús er ekki flutt fyrr en 1989.

Alls var dagheimilið því á þessum fælkingi í 18 ár, en allan þann tíma var engin afgirt lóð þar sem hann var rekin svo að börnin gætu farið út að leika sér innan girðingar.

Foreldrar keyptu leikföngin sjálfir, sáu um þvotta og skiptust á um að baka með kaffinu og til fjáröflunar fyrir leikföngum voru t.d. seldir bolluvendur og haldnar basarar og hlutaveitur.

Ég held að ég halli ekki á neinn þó ég segi að við eigum að stórum hluta Hönnu Hjartardóttur sem var oddviti hér þegar leikskólinn var byggður að þakka í hve góðu horfi leikskólamála hreppsins er í dag.

Hún kom sem kennari við Kirkjubæjarskóla sama ár og byrjað var að reka dagheimilið. Upplifði hún því alla erfiðleika fyrstu árunna. Og síðar þegar hún var orðin oddviti gekk hún í ásamt sveitarstjórn að leysa úr húsnæðisvanda leikskólans til frambúðar.

Til gamans ætla ég að segja frá því að Hanna og Oddur heitinn Eggertsson sem var framkvæmdastjóri hjá byggingafyrirtækinu Hag hf handsömuðu samning um byggingu hússins. Hann skuldbatt sig til að byggja húsið á sem hagkvæmasta hátt. Engin útboð voru unnin. Þegar byggingu lauk var það undir kostnaðaráætlun og ódýrara en sambærilegt hús sem reist var í Hveragerði á sama tíma.

Með byggingu þessa húss urðu miklar breytingar hvað varðar rekstur dagheimilisins, en á þessum tíma var nafninu breytt í Leikskólinn Kæríbær.

Einnig urðu mikil breytingar á að fá fólk til starfa í hreppnum t.d. kennara, því það fyrsta sem ungt fólk spyr um sem er að íhuga flutning í út á land vegna vinnu er hvort sé góður leikskóli á staðnum.

Við hér í Skaftárhreppi erum svo heppin að eiga góðan leikskóla. Sem er fyrst og fermst vegna þess að við höfum verið einstaklega heppin með starfsfólk sem er metnaðarfullt og sinnir starfi sínu að alúð.

Leikskólanámið er hornsteinn að því námi og störfum sem eiga eftir að mæta þessu unga fólk sem hér er, síðar á lífsleiðinni. Því er mikils um vert að vel takist til.

Við hjónin eiga 5 barnabörn sem hafa verið hér við leika og störf. Sum útskrifuð og önnur komin mislangt í námi.

Sem smá þakklætisvott til Kærabæjar fyrir þau frábæru störf sem hér eru unnin, langar okkur að biðja þau öll að koma hingað til okkar og afhenda Þórunni leikskólastjóra smá gjöf frá okkur.

Biðjum við ykkur að njóta vel.

Sólrún Ólafsdóttir